



# SLUŽBENE NOVINE OPĆINE KAKANJ

IZDAVAČ: Općina Kakanj GODINA XIV	Broj 7/2010 Datum: 09.11.2010 Odluke: 109 – 119	GRAFIČKA PRIPREMA I ŠTAMPA:  STRUČNA SLUŽBA ZA POSLOVE OPĆINSKOG VIJEĆA
---	---	--

109.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

Općinsko vijeće

Broj: 0-01/1-179/10

Datum: 20.10.2010. godine

Općinsko vijeće na svojoj 23. sjednici održanoj dana 20.10.2010. godine, na osnovu člana 24. Statuta Općine Kakanj („Službene novine Općine Kakanj“, broj: 4/08), člana 44. i 45. stav 1. Zakona o građevinskom zemljištu („Službene novine Federacije BiH“, broj: 67/05) i člana 19. stav 1. Odluke o građevinskom zemljištu („Službene novine Općine Kakanj“, broj: 1/06), d o n i j e l o j e

### **O D L U K U**

**o davanju saglasnosti za raspisivanje  
javnog konkursa za dodjelu zemljišta u  
Kaknju za izgradnju stambeno-  
poslovnog objekta**

#### **Član 1.**

Ovom Odlukom daje se saglasnost Općinskom načelniku za raspisivanje javnog konkursa za dodjelu slobodnog zemljišta iz državne svojine u Kaknju, u svrhu izgradnje stambeno-poslovnog objekta, a koje nosi oznake: k.č.br. 1747/30 (po starom premjeru k.č.br. 467/3, k.o. Popi), neplodno, „M. Dragića“, u površini 1100 m<sup>2</sup>, k.o. Kakanj, upisano u zk.ul.br. 1550, državna svojina 1/1.

#### **Član 2.**

Nakretnine, označene u članu 1. ove Odluke, dodijelit će se putem raspisivanja javnog konkursa prema odredbama Zakona o građevinskom zemljištu, u svrhu izgradnje stambeno-poslovnog objekta.

#### **Član 3.**

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Petrović Ivica, s.r.

110.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA KAKANJ**

Općinsko vijeće

Broj: 0-01/1-184/10

Datum: 20.10.2010. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i tačke 1. Zaključka u vezi Odluke o davanju ovlaštenja Općinskom načelniku za ustanovljenje prava stvarne služnosti za zemljište u državnom vlasništvu kojim upravlja i raspolaže Općina Kakanj, broj: 0-01/1-294/09 od 28.12.2009. godine, Općinsko vijeće na 23. sjednici održanoj 20.10.2010.godine, donijelo je

**O D L U K U**  
**o usvajanju Tromjesečnog izvješaja o**  
**donesenim**  
**odlukama o uspostavljanju prava**  
**služnosti**

**I**

Ovom Odlukom usvaja se Tromjesečni izvještaj Općinskog načelnika o donesenim odlukama o uspostavljanju prava služnosti broj: 0-02/1-3508/10 od 28.09.2010. godine.

**II**

Sastavni dio ove Odluke je Tromjesečni izvještaj Općinskog načelnika o donesenim odlukama o uspostavljanju prava služnosti.

**III**

Ova Odluka stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**  
 Petrović Ivica, s.r.

**111.**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA KAKANJ**  
 Općinsko vijeće  
 Broj: 0-01/1-185/10  
 Kakanj, 20.10.2010. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 27. Zakona o ustanovama („Službeni list R BiH“, broj: 6/92 i 13/94), Općinsko vijeće na 23. sjednici održanoj 20.10.2010. godine, donijelo je

**O D L U K U**  
**o usvajanju Izvještaja o radu**  
**JU Dom zdravlja sa poliklinikom za 2009.**  
**godinu**

**I**

Ovom Odlukom usvaja se Izvještaj o radu Javne ustanove Dom zdravlja sa poliklinikom Kakanj za 2009. godinu sa Izvještajem o materijalno-finansijskom poslovanju za period 01.01-31.12.2009. godine.

**II**

Sastavni dio ove Odluke je Izvještaj o radu Javne ustanove Dom zdravlja sa poliklinikom Kakanj sa Izvještajem o materijalno-finansijskom poslovanju za 2009. godinu.

**III**

Ova Odluka stupa na snagu danom donošenja a objavit će se u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**  
 Petrović Ivica, s.r.

**112.**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA KAKANJ**  
 Općinsko vijeće  
 Broj: 0-01/1- 186 /10  
 Kakanj, 20.10.2010. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 23. sjednici održanoj 20.10.2010. godine, donijelo je

**O D L U K U**  
**o usvajanju Plana jesenje sjetve na**  
**području općine Kakanj za 2010.godinu**

**I**

Ovom Odlukom usvaja se Plan jesenje sjetve na području općine Kakanj za 2010. godinu.

**II**

Uz Odluku o usvajanju Plana jesenje sjetve, usvaja se sljedeći z a k l j u č a k

1. Zadužuje se Služba za poduzetništvo, društvene djelatnosti, eko – zaštitu i inspeksijske poslove da Općinskom vijeću pripremi i dostavi cjelovit izvještaj o realiziranim Programima poticaja u poljoprivredi na području općine Kakanj za 2009. i 2010. godinu.

**III**

Sastavni dio ove Odluke je Plan jesenje sjetve na području općine Kakanj za 2010. godinu.

**IV**

Ova Odluka stupa na snagu danom donošenja a objavit će se u „Službenim novinama Općine Kakanj.“

**PREDSJEDAVALAČI  
OPĆINSKOG VIJEĆA**  
Petrović Ivica, s.r.

113.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ**

Općinsko vijeće

Broj: 0-01/1- 188/10

Kakanj, 20.10.2010.godine

Na osnovu člana 13. stav 2. alineja 9. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 24. Statuta Općine Kakanj („Službene novine Općine Kakanj“, broj: 4/08) Općinsko vijeće, na 23. sjednici održanoj 20.10.2010. godine, d o n i j e l o j e

**O D L U K U**

**o utvrđivanju naziva ulice u naseljenom mjestu Bukovlje – „Ulica Paše Kubata“**

**Član 1.**

Ovom Odlukom, u naseljenom mjestu Bukovlje – šifra naseljenog mjesta: 122 394, tip naselja „O“, u općini Kakanj – šifra općine: 10 448, utvrđuje se naziv ulice koji glasi: „Ulica Paše Kubata“.

**Član 2.**

Granično područje „Ulice Paše Kubata“ u dijelu naseljenog mjesta Bukovlje obuhvata prostor od „Šehidskog mosta“ do „Aliefendića mosta“, lijevom obalom rijeke Zgošće.

**Član 3.**

Sastavni dio ove Odluke je kartografski prikaz graničnog područja ulice u razmjeri 1:2500 u analognoj formi.

**Član 4.**

Označavanje graničnog područja „Ulice Paše Kubata“ propisanim tablama sa nazivom ulice izvršit će Zavod za planiranje i izgradnju općine Kakanj.

**Član 5.**

Po pravosnažnosti ove Odluke naziv ulice: „Ulica Paše Kubata“ će se upisati u Jedinstvenu nomenklaturu naziva ulica u općini Kakanj.

**Član 6.**

Za realizaciju ove Odluke, u skladu sa odredbama Pravilnika o sadržaju i načinu vođenja evidencija Agencije za identifikaciona dokumenata, evidenciju i razmjenu podataka BiH – IDDEEA, nadležan je MUP, PU Visoko, Policijska stanica Kakanj.

**Član 7.**

Ova Odluka stupa na snagu osmog dana od dana objavljivanja u «Službenim novinama Općine Kakanj».

**PREDSJEDAVALAČI  
OPĆINSKOG VIJEĆA**  
Petrović Ivica, s.r.

114.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ**

Općinsko vijeće

Broj:0-01/1-178/10

Kakanj, 20.10.2010. godine

Na osnovu člana 24. Statuta Općine Kakanj („Službene novine Općine Kakanj“, broj:4/08) i člana 34. Odluke o izvršavanju Budžeta Općine za 2010. godinu („Službene novine Općine Kakanj“, broj:3/10), Općinsko vijeće na 23. sjednici održanoj dana 20.10.2010. godine, usvojilo je

**PROGRAM  
rasporeda sredstava za obilježavanje  
značajnih datuma i manifestacija za 2010.  
godinu**

**I**

Planirana sredstva Budžetom Općine Kakanj za 2010. godinu u okviru pozicije Grantovi neprofitnim organizacijama, ekonomski kod 614-300 – pozicija “Grantovi za obilježavanje značajnih datuma i manifestacija ” u iznosu od 50.000,00 KM, raspoređuju se za:

	Naziv manifestacije	Prijedlog za 2010. godinu
1.	Obilježavanje 1.marta – „Dana nezavisnosti BiH“	1.500,00
2.	Obilježavanje „Dana oslobođenja i Dana općine“	3.500,00
3.	Obilježavanje dana „Zlatnih ljiljana“	3.130,00
4.	Manifestacija „Festival znanja“	4.050,00
5.	Manifestacija „Dan maturanata“	2.150,00
6.	Obilježavanje spomena „Kamenica-Popova luka“	3.000,00
7.	Obilježavanje spomena „Misoča“	3.000,00
8.	Obilježavanje spomena „Semizovac“	870,00
9.	Podrška obilježavanju romskih praznika	1.700,00
10.	Obilježavanje dana „RVI“	500,00

11.	Manifestacija „Dani kraljice Katarine“	2.000,00
12.	Obilježavanje „Dana državnosti BiH“	4.092,00
13.	Doček Nove godine na otvorenom	7.000,00
14.	Manifestacija „Sutješko ljeto“	1.000,00
15.	Manifestacija „Dipijeva staza“ - pohod planinara	1.000,00
16.	Obilježavanje dana poginulih civila Hrvata - Grmače 1993.	330,00
17.	Obilježavanje dana poginulih civila Bošnjaka – Poljani 1993.	330,00
18.	Gradski maskenbal	1.000,00
19.	Podrška školama za obilježavanje Dana škole i drugih manifestacija	2.348,00
20.	Participacija u troškovima organizacije turnira za Dan šehida i poginulih boraca	1.000,00
21.	Večer Kur'ana	2.000,00
22.	Obilježavanje Dječije nedjelje	800,00
23.	Lastavica 2010.	1.200,00
24.	27. juli – Dan ustanka	1.000,00
25.	Neplanirani troškovi za manifestacije	1.500,00
	<b>UKUPNO</b>	<b>50.000,00</b>

**II**

Programom predviđena sredstva za obilježavanje manifestacija iz stava I ovog Programa će se realizovati za pokriće onih rashoda koji proističu iz aktivnosti Općine kao organizatora ili suorganizatora manifestacije.

**III**

Planirana sredstva za doček Nove godine obuhvataju doček Nove 2010. godine.

**IV**

Svi budžetski korisnici sredstava po ovom Programu dužni su Službi za boračko-invalidsku zaštitu (za manifestacije čiji su nosioci boračke organizacije) i Službi za poduzetništvo, društvene djelatnosti, ekološku zaštitu i inspeksijske poslove (za manifestacije iz nadležnosti ove Službe) podnijeti izvještaj o utrošenim sredstvima i ista pravdati vjerodostojnom knjigovodstvenom dokumentacijom.

**V**

Ovaj Program o utrošku sredstava za manifestacije stupa na snagu danom donošenja a objavit će se u „Službenim novinama Općine Kakanj“.

**PREDSJEDAVALAČI  
OPĆINSKOG VIJEĆA**  
Petrović Ivica, s.r.

**115.**

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ**

Služba za poduzetništvo, društvene djelatnosti, eko zaštitu i inspekcijske poslove  
Odsjek za poduzetništvo

Broj: 0-04/1- 1569 /10

Datum: 31.08.2010. godine

Na osnovu člana 10. Odluke o organizaciji i načinu obavljanja taksiprijevoza putnika na području Zeničko-dobojskog kantona (“Službene novine Zeničko-dobojskog kantona“, broj 6/10), Služba za poduzetništvo, društvene djelatnosti, eko zaštitu i inspekcijske poslove Općine Kakanj, d o n o s i

**PRAVILNIK**

**o načinu korištenja, redu i radu  
na taksi stajalištima na području općine  
Kakanj**

**I OPĆE ODREDBE****Član 1.**

Ovim Pravilnikom uređuje se :

- broj i razmještaj taksi stajališta
- raspored taksi vozila na taksi stajalištima i način određivanja kriterija za red preventva u raspoređivanju taksi vozila na taksi stajališta i
- red i rad na taksi stajalištu.

**II BROJ I RAZMJEŠTAJ TAKSI  
STAJALIŠTA****Član 2.**

Taksi stajalište je propisno uređena i označena površina gdje se zadržavaju taksi vozila i to po redu dolaska u cilju prijema narudžbi i prijevoza putnika prema redoslijedu.

**Član 3.**

Taksi stajalište mora se obilježiti propisanom vertikalnom i horizontalnom signalizacijom i to :

- tablom plave boje sa ispisanim nazivom, brojem i kategorijom taksi stajališta, brojem stajališnih mjesta i radnim vremenom, te saobraćajnim znakom «zabranjeno zaustavljanje i parkiranje» sa dopunskom tablom sa natpisom «osim taksi vozila »
- na saobraćajnoj površini određenoj za taksi stajališta potrebno je propisno označiti stajališna mjesta

**Član 4.**

Broj i razmještaj taksi stajališta, broj stajališnih mjesta za taksi vozila na taksi stajalištima koja se nalaze na javnim površinama i kategoriju taksi stajališta određuje posebnim aktom Služba za urbanizam, geodetske i imovinsko-pravne poslove općine Kakanj za svaku kalendarsku godinu do 10. januara tekuće godine, u skladu sa članom 9. Odluke o organizaciji i načinu obavljanja taksiprijevoza putnika na području Zeničko-dobojskog kantona.

Taksi stajališta iz predhodnog stava mogu koristiti samo taksi prijevoznici sa područja općine Kakanj.

**Član 5.**

Uređenje i održavanje taksi stajališta vrši Zavod za planiranje i izgradnju općine Kakanj.

**Član 6.**

Za upotrebu i korištenje taksi stajališta na javnim površinama plaća se godišnja naknada.

Određivanje visine naknade i naplatu iste vrši Služba za urbanizam, geodetske i imovinsko-pravne poslove Općine Kakanj.

Sredstva prikupljena iz naknade namjenski se koriste za izgradnju novih, uređenje i održavanje postojećih taksi stajališta, odnosno za unapređenje taksi djelatnosti.

Dokaz o uplati naknade za godišnje naknade taksi prijevoznik je dužan dostaviti prilikom podnošenja zahtjeva za izdavanje dopunske oznake.

### **III RASPORED TAKSI VOZILA NA TAKSI STAJALIŠTA I NAČIN ODREĐIVANJA KRITERIJA ZA RED PRVENSTVA U RASPOREĐIVANJU TAKSI VOZILA NA TAKSI STAJALIŠTA**

**Član 7.**

Raspored taksi vozila na taksi stajalištima i način određivanja kriterija za red prvenstva u raspoređivanju taksi vozila na taksi stajališta uređuje Udruženja građana Taksisti "Zeleni val" Kakanj, u roku od 30 (trideset) dana od dana davanja saglasnosti na ovaj Pravilnik.

Na akt iz predhodnog stava saglasnost daje ova Služba.

### **IV RED I RAD NA TAKSI STAJALIŠTU**

**Član 8.**

Taksi vozač prima putnike na prijevoz na taksi stajalištu na koje je raspoređen po redoslijedu pristizanja na isto.

Na taksi stajalištu ne smije stajati više taksi vozila nego što ima obilježenih mjesta.

**Član 9.**

Prijevoz obavlja taksi vozač čije se vozilo nalazi na prvom mjestu taksi stajališta.

Odlaskom jednog ili više taksi vozila, druga vozila se pomjeraju na upražnjena mjesta istim redoslijedom kojim su i pristigla na taksi stajalište.

Izuzetno, ukoliko putnik ima posebne zahtjeve, u pogledu urednosti i komfora vozila ili uljudnosti vozača, može zatražiti uslugu i od taksi vozača čije vozilo nije na prvom mjestu taksi stajališta.

**Član 10.**

Na taksi stajalištu je zabranjeno stvaranje buke pojačanim radom motornog vozila, upotrebom sirene, upotrebom uređaja i aparata za reprodukciju muzike i svih drugih uređaja koja stvaraju buku.

Na taksi stajalištu nije dozvoljeno pranje vozila, bacanje otpadaka i čišćenje pepeljara.

**Član 11.**

Za vrijeme dok je taksi vozilo parkirano na taksi stajalištu taksi vozač, zbog efikasnijeg pružanja usluga, je dužan biti u taksi vozilu ili pored taksi vozila.

**Član 12.**

Taksi vozilo na taksi stajalištu mora biti čisto i uredno, a taksi vozač uredno i prikladno odjeven, uljudno se odnositi prema putnicima i ne smije pušiti u vozilu.

**Član 13.**

Na taksi stajalištima zabranjeno je konzumiranje alkohola, opojnih sredstava i kartanja.

**Član 14.**

Taksi vozač je obavezan prijem putnika na taksi stajalištu vršiti sa pažnjom i poštovanjem.

**V PRELAZNE I ZAVRŠNE ODREDBE****Član 15.**

Na pitanja koja nisu uređena ovim Pravilnikom primjenjivat će se odredbe zakona i podzakonskih akata koja regulišu ovu oblast.

**Član 16.**

Saglasnost na ovaj Pravilnik daje Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

**Član 17.**

Po pribavljanju saglasnosti iz predhodnog člana, Pravilnik će se objaviti u „Službenim novinama Općine Kakanj“.

**Član 18.**

Danom stupanja na snagu ovog Pravilnika stavlja se van snage Pravilnik o načinu korištenja, redu i radu na taksi stajalištima na području općine Kakanj broj: 0-04/1- 850-1/08 od 05.06.2008.godine.

**Član 19.**

Ovaj Pravilnik stupa na snagu danom objavljivanja u „Službenim novinama Općine Kakanj“.

**POMOĆNIK  
OPĆINSKOG NAČELNIKA**  
Trako Ferid, s.r.

**116.****BOSNA I HERCEGOVINA  
FEDERACIJA BOSNE I HERCEGOVINE  
ZENIČKO- DOBOJSKI KANTON**

Ministarstvo za prostorno uređenje  
promet i komunikacije i zaštitu okoline

Broj: 12-27-20090-2/10

Datum: 21.09.2010. godine

Na osnovu člana 28. stav 1. Odluke o organizaciji i načinu obavljanja taksi prijevoza putnika na području Zeničko-dobojskog kantona („Službene novine Zeničko-dobojskog kantona“, broj 6/10), Ministarstvo za prostorno uređenje promet i komunikacije i zaštitu okoline Zeničko-dobojskog kantona, na prijedlog Službe za poduzetništvo, društvene djelatnosti, eko zaštitu i inspeksijske poslove, d o n o s i

**ZAKLJUČAK****I**

Daje se saglasnost na Pravilnik o načinu korištenja, redu i radu na taksi stajalištima na području općine Kakanj, broj 0-04/1-1569/10 od 31.08.2010. godine, Službi za poduzetništvo, društvene djelatnosti, eko zaštitu i inspeksijske poslove Općine Kakanj.

**II**

Pravilnik iz tačke I je sastavni dio ovog Zaključka.

**III**

Zaključak stupa na snagu danom donošenja.

**MINISTAR**

Mandra Nermin, s.r.

117.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ**

Općinsko vijeće

Broj: 0-01/1-180/10

Kakanj, 20.10.2010. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 81. Poslovnika o radu Općinskog vijeća („Službene novine Općine Kakanj“, broj: 2/04 i 3/04), Općinsko vijeće je na 23. sjednici održanoj 20.10.2010. godine usvojilo:

Odluku o davanju saglasnosti za raspisivanje javnog konkursa za dodjelu zemljišta u Kakanju za izgradnju stambeno-poslovnog objekta, broj: 0-01/1-179/10 uz slijedeći:

**Z a k l j u č a k**

1. Javni konkurs za dodjelu slobodnog zemljišta iz državne svojine u svrhu izgradnje stambeno-poslovnog objekta, označenog kao k.č. broj 1747/30, k.o. Kakanj (po starom premjeru k.č. broj 467/3, k.o. Popi) u površini od 1100m<sup>2</sup>, poništiti će se ako učesnik konkursa koji je dostavio najbolju ponudu na bilo koji način odustane od dodjele istog.
2. Ovaj Zaključak je sastavni dio Odluke o davanju saglasnosti za raspisivanje javnog konkursa za dodjelu zemljišta u Kakanju za izgradnju stambeno-poslovnog objekta a za njegovu realizaciju zadužuje se Komisija za sprovođenje javnog konkursa.
3. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVALAČ  
OPĆINSKOG VIJEĆA**  
Petrović Ivica, s.r.

118.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ**

Općinsko vijeće

Broj: 0-01/1-187/10

Kakanj, 20.10.2010. godine

Na osnovu člana 8. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće, na 23. sjednici održanoj dana 20.10.2010. godine, jednoglasno je prihvatilo

Informaciju

Općinskog pravobranilaštva broj: U.P. 63/10  
od 13.09.2010. godine o okončanju  
upravnog spora

koji se vodio po tužbi Općine Kakanj protiv akta Federalnog ministarstva okoliša i turizma a radi poništenja rješenja kojim je odobren plan aktivnosti za postojeće pogone i postrojenja Tvornici cementa u Kakanju,

uz slijedeći

**Z a k l j u č a k**

1. Da se, u skladu sa Odlukom o usvajanju Operativnog plana za realizaciju akcionog plana mjera za poboljšanje stanja okoliša broj:0-01/1-105/10 od 31.05.2010. godine („Službene novine Općine Kakanj“ broj: 05/10), za narednu sjednicu utvrde prioriteta u implementaciji Operativnog plana a s ciljem efikasnije i blagovremene realizacije istog od strane nadležne službe, Komisije za praćenje realizacije Akcionog plana i Općinskog vijeća.
2. Za realizaciju ovog zaključka zadužuje se Služba za



poduzetništvo, društvene djelatnosti, eko-zaštitu i inspeksijske poslove – Odsjek za zaštitu, praćenje i unaprjeđenje okoliša, zraka i životne sredine i Komisija za praćenje realizacije Akcionog plana.

3. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVALAČI  
OPĆINSKOG VIJEĆA**  
Petrović Ivica, s.r.

**II**

Ovo Rješenje stupa na snagu danom donošenja a objavit će se u „Službenim novinama Općine Kakanj“.

**PREDSJEDAVALAČI  
OPĆINSKOG VIJEĆA**  
Petrović Ivica, s.r.

119.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ**

Općinsko vijeće

Broj: 0-01/1-189/10

Kakanj, 20.10.2010. godine

Na osnovu člana 24. Statuta Općine Kakanj („Službene novine Općine Kakanj“ broj: 4/08) i člana 12. Odluke o organizovanju JP „Grijanje“ d.o.o. Kakanj („Službene novine Općine Kakanj“ broj: 3/05), Općinsko vijeće, na 23. sjednici održanoj dana 20.10.2010. godine, donijelo je

**RJEŠENJE**

**o imenovanju Jozinović Zorana za  
člana Skupštine JP „Grijanje“ d.o.o.  
Kakanj**

**I**

JOZINOVIĆ ZORAN, imenuje se za člana Skupštine Javnog preduzeća za proizvodnju i distribuciju toplotne energije „Grijanje“ d.o.o. Kakanj, na period do isteka mandata članova Skupštine imenovanih Odlukom Općinskog vijeća broj:0-01/1-28/09 od 30.01.2009. godine („Službene novine Općine Kakanj“ broj: 2/09).





**S A D R Ź A J****«SLUŽBENIH NOVINA OPĆINE KAKANJ» BROJ: 7/2010**

109. Odluka o davanju saglasnosti za raspisivanje javnog konkursa za dodjelu zemljišta u Kakanju za izgradnju stambeno – poslovnog objekta	.....1
110. Odluka o usvajanju Tromjesečnog izvještaja o donesenim odlukama o uspostavljanju prava služnosti	.....1
111. Odluka o usvajanju Izvještaja o radu JU Dom zdravlja sa poliklinikom Kakanj za 2009. godinu	.....2
112. Odluka o usvajanju Plana jesenje sjetve na području općine Kakanj za 2010. godinu	.....2
113. Odluka o utvrđivanju naziva ulice u naseljenom mjestu Bukovlje – „Ulica Paše Kubata“	.....3
114. Program rasporeda sredstava za obilježavanje značajnih datuma i manifestacija za 2010. godinu	.....4
115. Pravilnik o načinu korištenja, redu i radu na taksi stajalištima na području općine Kakanj	.....5
116. Zaključak o davanju saglasnosti na Pravilnik o načinu korištenja, redu i radu na taksi stajalištima na području općine Kakanj	.....7
117. Zaključak uz Odluku o davanju saglasnosti za raspisivanje javnog konkursa za dodjelu zemljišta za izgradnju stambeno – poslovnog objekta	.....8
118. Zaključak uz Informaciju Općinskog pravobranilaštva o okončanju upravnog spora	.....8
119. Rješenje o imenovanju Jozinović Zorana za člana Skupštine JP „Grijanje“ d.o.o. Kakanj	.....9